

ՊԱՏՏՈՆԱԿԱՆԻՔ

ԳԱՂՈՒԱԾՔ ԵՐԱԳՐՈՒԹԵԱՆՑ ՍԻՆՕԴԻ.

Ի 27 Ապրիլի տարւոյս Սինօդն Ս. Էջմիածնի Հիմնեալ ի վերայ խնդրոյ Գեր Գրիգորիոս Եպիսկոպոսի Աղուանեանց ի 6 Ապրիլի Թ. 58, յանուն Վեհափառ Հայրապետի Ազգիս, արձակեաց զնա ի փոխանորդական պաշտօնէն, և կարգեաց ըստ խնդրանացն վանահայր վանիցն Ս. Թադէոսի առաքելոյն որ ի պարսկաստան:

Ի 28 Ապրիլի տարւոյս Սինօդն Ս. Էջմիածնի Հիմնեալ ի վերայ յայտարարութեան Հոգևոր Կառավարութեան Աղէքսանդրապօլսու ի 21 Ապրիլի Թ. 463, զնախկին գործակալն Նորաշենու Վարդան քահանայն Փայլեմանեանց, վասն գաղելոյն զաթոռային արդիւնս նորա, ենթարկեաց կրկնակի վճարման, և հրամանագրեաց նոյն կառավարութեան այլ ևս չկարգել զնա յուր մի պաշտօն:

